

Certifikat o akreditaciji laboratorije LIND



Proizvodi iz BiH bliže Evropskoj uniji

Laboratoriji za ispitivanje namještaja i drveta LIND koja djeluje u okviru Agencije ZEDA u zeničkoj Poslovnoj zoni I uručen je certifikat o akreditaciji. Prvom laboratoriju ove vrste u BiH uručio ga je predstavnik Instituta za akreditiranje BiH - BATA. "Obilježićemo ono što je od značaja za ovu zemlju, a to je konkurentnost koju sektor drvne industrije i namještaja čini jednim od najuspješnijim u zemlji.

Laboratorija u svemu tome igra vrlo značajnu ulogu jer potvrđuje sigurnosne standarde Evropske unije. Svi proizvodi od drveta i namještaj samim tim dobijaju mogućnost izvoza i sada mogu biti plasirani ne samo u EU, nego širom svijeta sa certifikatom EU", kazao je šef operacija pri Delegaciji EU u BiH dr. Holger Schröeder. Muhsin Ibrahimagić, direktor Agencije ZEDA, objasnio je kako je labora-

torija uspostavljena sredstvima EU i u punom pogonu je već godinu dana. Osim obuke kadrova koja je obavljena u eminentnim i registrovanim laboratorijama u okruženju, dobili su i akreditaciju Instituta za akreditiranje BiH - BATA. Bh. proizvođači uredskog i drugih vrsta namještaja morali su neophodne certifikate i ateste dobijati u susjednim državama, što je njihove proizvode činilo skupljim i manje

konkurentnim. Akreditovanjem laboratorija LIND stanje se mijenja u korist bh. drvoprerađivača. Zenički načelnik Husejin Smajlović koji je bio domaćin susreta, rekao je kako će laboratorija u značajnoj mjeri olakšati proizvođačima namještaja ostvarenje njihovih poslovnih želja te izrazio očekivanja da se u projekt uključe škole i univerziteti, koji educiraju kadrove iz oblasti drvne industrije.



LABORATORIJA LIND:

Laboratorija LIND je u okviru "Tehno parka", a riječ je o investiciji vrijednoj million KM, koja je realizovana u okviru projekta "Mentor", kojeg finansira Evropska unija u partnerstvu sa Općinom Zenica, odnosno Regionalnom razvojnom agencijom REZ i Agencijom za ekonomski razvoj ZEDA iz Zenice. Općina Zenica je za realizaciju projekta osigurala zemljište i poslovni prostor, čime je projekt postao vrijedan dva miliona KM. Proširenje usluga laboratorije LIND planirano je kroz uspostavu Centra za izvrsnost u drvopreradi (CID). Laboratorija je sposobna za veliki broj različitih testiranja stolica, stolova, komoda, šarki i izvlačnih elemenata na čvrstoću, trajnost i sigurnost za korištenje po EU standardima.

"A-EM" d.o.o. Zenica

GENERALNI UVOZNIK I DISTRIBUTER ZA BIH



Pored veleprodaje, koja se nalazi u ul. Goraždanska 16 (032/200-680 i 061/176-750), nedavno je otvoren i mini market "A-EM" u ul. Dr. Adolfa Goldbergera 13.

Preduzeće "A-EM" distribuciju svojih proizvoda na području ZE-DO i SB kantona vrši punih 12 godina.

AKCIJSKE CIJENE TOKOM CIJELE GODINE

**** USKORO ** USKORO ** USKORO ** USKORO ****

TAPAS

Tel./fax: 032 403 388, GSM: 061 230 064, www.tapasze.com, tapas@bih.net.ba

Otvorenje novog
restorana u Starom
pozorištu

SVAKODNEVNO BESPLATNA DOSTAVA
čak i jedne porcije.
Narudžbe na telefon **032 403 388**

INTERVIEW

SAMIR ĆATOVIĆ

Obzirom da su prije nekoliko dana u Zenici predstavljeni svi novi selektori karate reprezentacija Bosne i Hercegovine, sasvim je razumljivo što smo se i mi odlučili da za ovaj broj Superinfo ukratko porazgovaramo sa predsjednikom Karate Saveza BiH, Samirom Ćatovićem.

SUPER *U martu prošle godine Karate savez BiH je dobio novo rukovodstvo. Ostvarena su i dva značajna, vrhunska rezultata, što znači da je nastavljen kontinuitet u uspješnosti?*

„U Karate savezu BiH došlo je do jedne, možemo reći, generacijske promjene. Jednostavno u neka nova moderna vremena logično je da dođu neki novi ljudi, da drugačije razmišljaju u pravcu da ovaj naš karate sport nastavi tu svijetu tradiciju te da bude među prvima u Evropi. Mi smo se odlučili da ova generacija bude spoj iskustva i mladosti, tako da u naredne četiri godine Savez ima intenciju da putem podmlađivanja od Upravnog odbora, preko selektorskih, odnosno ostalih komisija, ovaj sport dovede na bijedestal koji mu pripada u Bosni i Hercegovini, a to je jedan od najmnogobrojnijih i najkvalitetnijih sportova“.

SUPER *Održana je i promocija novih selektora u Zenici. Otkud Zenica i koji su bili kriteriji za njihov izbor?*

„Kad je u pitanju izbor selektora mi smo na Upravnom odboru napravili koncepciju, a prvi i osnovni faktori su bili mladost i rezultati kandidata. Svi ti selektori su inače bili aktivni sportaši i imali su zapažene rezultate, od balkanskog do svjetskog nivoa,

BH samuraji u gnijezdu zmajeva



a i u trenerskom dijelu većina njih je već postigla odlične rezultate. Ono što je nama u Upravnom odboru bilo posebno dragو je da je bio veliki broj kandidata za selektorska mesta, a to podrazumijeva da karate sport ima interes, da ljudi žele da vode reprezentacije i normalno kroz sistem koji ćemo urediti da to bude bez problema i bez primjedbi. Inače, Zenica je sportski grad i za ovu promociju selektora smo je izabrali iz prostog razloga zato što ovaj grad Karate savezu znači puno, od kadrova, trenera, zatim ljudi koji su u Upravi Karate saveza, načelnika Općine koji je na svaki naš zahtjev odgovarao pozitivno, ali i samih Zeničana. Možemo reći i da smo htjeli kopirati nogometnu reprezentaciju BiH, gdje je stvorena selekcija koja će otići u Brazil. Hvala Zenici, hvala Zeničanima“.

SUPER *Koji su planovi u naredne nešto više od tri godine tj. do kraja četverogodišnjeg mandata UO Saveza?*

„Osnovna i glavna naša vodilja je da se karate sport približi Evropi i svijetu kada je u pitanju način i pristup rada samih klubova. Mi već imamo omasovljene klubove, a cilj je da ti klubovi dobiju malo veću poziciju u lokalnim zajednicama putem finansiranja, putem obezbjeđenja sredstava za rad, zatim na kantonalm nivou i na kraju u Savezu, tako da imamo jedan sistem od početka do kraja zasnovan na uskoj vezi, od pionira do seniora, i da stvaramo tim koji će u naredne četiri godine biti moderan. Dodajmo samo još da je i do sada bilo velikih poteškoća u finansiranju i u uslovima za rad“.

SUPER *Masovnost je donijela na određeni način i neke probleme, jer su formirani i neki paralelni savezi. Dokle se s tim došlo?*

„U poslijeratnoj BiH taj tzv. liberalizam je došao u svim segmentima života. Tako je i u karateu. Apsolutno je pravo ljudi da se organizuju na svoj način. Formirali su udruženje na nivou drugih smjerova u karateu, no u svakom momentu nam mogu pristupiti i dobrodošli su u Karate savez BiH. Mi nikome ne stojimo na putu, ali s druge strane nećemo ni dozvoliti da se ovaj smjer urušava. Naime, Karate savez u BiH je star 40 godina i to je jedini savez koji je svoju prilagodbu i način rada samo nastavio i poslije agresije na BiH. Svim dobrim ljudima u karate sportu vrata su otvorena, a ko je osnovao drugi savez, to je njegova stvar, i ja mu želim uspjeh“.

Foto Express Kratina

Tel/fax: 032 404 778 kratina@bih.net.ba www.fotokratina.ba

**NAJJEFTINIJE
FOTOGRAFIJE U GRADU !!!**

Poslovница1: Biznis centar Aksa

**Radno vrijeme od 8 do 19 h
subotom od 8 do 16 h**

FOTOGRAFIJA

Formata 10x15cm

0,18 KM



USKORO U DOMOVIMA ZDRAVLJA Elektronske zdravstvene knjižice



Krajem januara u Zenici i Kakanju biće u upotrebi elektronske zdravstvene knjižice. Domovi zdravlja u ove dvije općine bit će nosioci realizacije pilot-projekta informatičkog uvezivanja ambulanti porodične medicine, a u kasnijoj fazi isti projekat bit će proširen u drugoj polovini godine i na sve ostale općine Kantona. U organizaciji Ministarstva zdravstva ZDK održan je sastanak na kome su predstavnici Federalnog

Ministarstva zdravstva ministrici kantonalnog Ministarstva zdravstva i direktorima domova zdravlja s područja kantona prezentirali narednu fazu informatizacije ambulanti porodične medicine. Uz pomoć sredstava nove kreditne linije od 5,5 miliona eura koje će se obezbijediti putem federalnog Ministarstva zdravstva, dovršit će se nabavka opreme za porodične ambulante na području Općina Zenica i Kakanj.

VLADA ZENIČKO-DOBOSKOG KANTONA Vansudske nagodbe po kolektivnim ugovorima

Vlada ZDK usvojila je nedavno tekst obaveštenja kojim se pozivaju tražitelji izvršenja pravosnažnih sudskeh odluka donesenih, na osnovu tužbi po kolektivnim ugovorima, koji to žele, da podnesu zahtjev za vansudske nagodbe. Naime, kako je već poznato, po osnovu pravosnažnih sudskeh presuda, Kanton ima obavezu isplate oko 80 miliona KM, a sa pripadajućim kamatama više od 110 miliona KM. Pošto su sredstva za ove namjene veoma ograničena, to je odlučeno da se svim tužiteljima omogući da sklope vansudske nagodbe u skladu sa kriterijima koje je Vlada propisala. U tom cilju, osim 400.000 KM za izvršenje sudske presude po redoslijedu, izdvojeno je i 400.000



KM za vansudske nagodbe. Narednih dana bit će objavljen javni poziv, a nagodba će se zaključiti sa onim tražiocima izvršenja koji budu spremni na procentualno najveće odričanje od ukupnog duga, a na zaključivanje nagodbe također će utjecati i dužina čekanja na isplatu, kao i saglasnost na isplatu duga u više rata. Na kraju, potrebno je dati saglasnost da će nakon zaključenja vansudske nagodbe tražilac izvršenja povući prijedlog za izvršenje sudske presude. Rok za podnošenje prijava Vladi ZDK je 28. februar.

KINESKI STRUČNJACI POSJETILI ZENICU Obišli lokaciju buduće Toplane-elektrane

U Zenici je nedavno boravio stručno-tehnički tim kineske kompanije HTG (HK) ENERGY INVEST LIMITED, partnera u realizaciji projekta izgradnje Toplane-elektrane u Zenici. Predstavnici kompanije HGT obišli su lokaciju buduće Toplane-elektrane, kao i eventualne podizvođače iz Zenice, Sarajeva i Tuzle, kako bi dobili informacije o mogućnostima lokalnog tržišta za angažman na projektu vrijednom oko 250 miliona eura. Razgovori su vođeni i u sjedištu



općine Zenica s načelnikom Hussejinom Smajlovićem i saradnicima u cilju što bolje pripreme i stvaranja preduslova za početak građevinskih radova na projektu koji je od iznimne važnosti za zeničku općinu. Podsjećamo, s ovom kineskom kompanijom ugovor o izgradnji Toplane-elektrane i nabavci opreme potpisana je u julu 2013. godine.

OPĆINA ŽEPČE Stipendije za učenike generacije

Krajem prošle godine u uredu općinskog načelnika Žepča potpisani su ugovori o stipendiranju učenika generacije, i to između općinskog načelnika Mate Zovke i studentica Emine Hrkić, Emanuele Antolović, Marijane Jurkić i studenta Belmina Alića. Stipendija se dodjeljuje



u iznosu od 1.000 KM godišnje za studente prve godine, odnosno 1.500 KM za studente viših godina studija, a isplaćivat će se u deset jednakih mjesечnih rata.

ODRŽAN SASTANAK O PLAVOJ VODI Posebno potencirano očuvanje okoliša

U Sarajevu je održan sastanak premijera Federacije BiH Nermina Nikšića sa premijerima Srednjebosanskog i Zeničko-dobojskog kantona, načelnicima općina Travnik, Novi Travnik, Vitez, Busovača i Zenica, predstvincima Federalnog ministarstva za poljoprivredu, vodoprivredu i šumarstvo, direktorom Fonda za zaštitu okoliša FBiH, direktor Javnog fonda sliva rijeke Save, direktor Regionalnog vodovoda Plava voda. Prezentirana je mogućnost ukupnog kapaciteta izvorišta Plave vode i mogućnosti

djelimičnog iskorištavanja ovog vodnog resursa uz posebnu notu zaštite i raspodjele kapaciteta ovog izvorišta. Posebno je potencirano očuvanje okoliša i nenarušavanja lokaliteta izvorišta i Travnika kao grada kojem je jadan od pečata upravo Plava voda. Razgovaralo se i o iskorištavanju dijela kapaciteta Plave vode za vodosnabdijevanje zainteresovanih gradova: Zenice, Travnika, Novog Travnika, Viteza i Busovače. Na osnovu zahtjeva i potreba općina izvršen je raspored i kapacitet vode koji bi one u budućnosti koristile.

EKO FORUM ZENICA Pravo na zdrav okoliš



Eko-forum Zenica u saradnji s organizacijom "Arnika" iz Praga u martu 2013. godine je na konkurs Ministarstva vanjskih poslova Češke Republike prijavio projekat pod nazivom "Pravo na zdrav okoliš: Aarhus centar u ZDK i prenošenje iskustava iz Češke". Krajem prošle godine, projekat je odobren za finansiranje iz programa "Transition" za period januar-decembar 2014. "Kroz ovaj projekat ćemo pokušati da razmijenimo iskustva. Ono po čemu se razlikuju Ostrava

i Zenica koje imaju ovu kompaniju kao najvećeg zagađivača, je da u zadnjih pet godina u Zenici zagađenje raste, a u Ostravi zagađenje opada. Mi pokušavamo da to nekako promijenimo, da u Zenici dobijemo isti trend opadanja zagađenja kao u Ostravi, jer se to očigledno može uraditi", kaže Samir Lemeš, predsjednik Eko-foruma Zenica, dodajući i da njihov osnovni cilj da kroz učešće javnosti i kroz pristup pravdi uspiju disciplinovati zagađivače.

PREZENTOVANI PROJEKTI REGULACIJE RIJEKE BOSNE

Uređenje korita i zaštita od poplava



U Općini Zenica održana je prezentacija dva projekta: Regulacija rijeke Bosne u Nemili i Regulacija rijeke Bosne u Zenici na lokalitetu od Bilimišća do Lukovog Polja. Prvi projekt predstavio je Salih Hadžimušović, predstavnik firme ES HYDRO-TECHNICS d.o.o. Sarajevo, a drugi Semir Mutapčić, predstavnik projektantske firme Investprojekt d.o.o. Zenica. Pored predstavnika "Agencije za vodno područje rijeke Save" Sarajevo, prezentaciji su prisustvovali načelnik općine

Zenica Husejin Smajlović, savjetnici načelnika, predstavnici općinskih službi i Javnog preduzeća za prostorno planiranje i uređenje grada „Zenica“. Projekti imaju za cilj uređenje korita rijeke Bosne na navedenim područjima i zaštitu naselja od eventualnih poplava. Za vrijeme radova na regulaciji rijeke i uređenja obale, izgradnje šetnice i biciklističke staze neće biti rušenja objekata. Navedene projekte finasiraju „Agencija za vodno područje rijeke Save“, i Općina Zenica.

REKONSTRUKCIJA JAVNE RASVJETE U ZENICI Očekuju se značajne uštede

Od maja prošle godine na području općine Zenica realizuje se projekat „Rekonstrukcija i modernizacija javne rasvjete u 23 gradsko ulice i u 63 sela u prigradskom području“, koji ustvari podrazumijeva zamjenu kablovskih instalacija, rasvjetnih tijela i stubova javne rasvjete. Predviđeno je da se sadašnje sijalice zamjenje metal-halogenim i natrijum sijalicama, koje će donijeti uštedu potrošnje električne energije za 20 posto u odnosu na sadašnje stanje rasvjetnih tijela. Ugradnjom novih sijalica povećat će se kvalitet rasvjete te smanjiti efekt



svjetlosnog onečišćenja koje se očituje u smanjenju emisije CO2 za 476.000 tona za godinu dana. Kroz uštede u potrošnji električne energije i smanjenje troškova tekućeg održavanja, procjenjuje se da će se uštedjeti finansijska sredstva koja će se izdvojiti za odgođeno plaćanje planiranih radova. Završetak radova na rekonstrukciji i modernizaciji javne rasvjete, prema projektu, očekuje se do kraja aprila ove godine.

VLADA ZDK POMAŽE OPĆINI TEŠANJ Subvencija troškova za Poslovnu zonu Glinište



Kantonalni ministar privrede Muhammed Husić i ministrica za pravosuđe i upravu Romana Brkić, posjetili su nedavno općinu Tešanj, gdje su razgovarali sa općinskim načelnikom Suadom Huskićem. Tom prilikom oni su uručili načelniku Huskiću Odluku o odobrenju finansijskih sredstava – subvencioniranje troškova organizacije i izgradnje Poslovne zone Glinište (faza IV). Sredstva u iznosu od skoro 300.000 KM Vlada ZDK je odobrila za refundaciju troškova organizacije i izgradnje Poslovne zone Glinište (faza IV – komunalna infrastruktura).

„Izuzetno mi je drago da je Općina Tešanj, kao nosilac privrednog razvoja u ZDK, prva iskoristila ova sredstva. Vlada ZDK će i u narednom periodu

odvajati sredstva za privredu“, kazao je ministar Husić. Tokom sastanka ministara i općinskog načelnika razgovaralo se i o implementaciji Zakona o pružanju besplatne pravne pomoći na području Općine Tešanj. Uposlenici Kantonalnog zavoda jednom sedmično dolazit će u sve općine Kantona čime će svi građani, koji ispunjavaju zakonske uslove, imati obezbijedene besplatne pravne usluge.

MINISTRICA SENKA BALORDA POSJETILA KANTONALNU BOLNICU ZENICA

Čestitka za najbolje doktore


Doktore Almu Mekić-Abazović i Haruna Drljevića, kao i medicinskog tehničara Amara Kondžića, pacijenti Kantonalne bolnice Zenica su proglašili najboljima u anketi „Moj doktor je najbolji“, koju je nedavno organizovala Fondacija "Sanela Redžepagić". Ova akcija nastala je s ciljem afirmiranja lječara i medicinskih sestara koji rade na liječenju žena od tumora dojke u svim zdravstvenim ustanovama Federacije BiH. Osim toga, ovo laskavo priznanje je bilo i glavni razlog posjete ministrici zdravstva Zeničko-dobojskog kantona, Senke Balorda, Službi za onkologiju, hematologiju i radioterapiju, na čijem čelu je prim. dr. Alma Mekić-Abazović i Službi za bolesti dojke, koju vodi prim. dr. Harun Drljević. Tom prilikom ministrica Balorda je čestitala dobitnicima ovog priznanja te kazala da je to ujedno i najvrijednije priznanje, pošto dolazi od pacijena-



ta. „To je, također, priznanje i Kantonalnoj bolnici Zenica, koja među brojnim zdravstvenim ustanovama u Federaciji BiH stiže zaslужeno mjesto u oblasti onkologije“, dodala je ministrica Balorda. Dr. Alma Mekić-Abazović je u razgovoru s ministricom istakla da je ovo priznanje, prije svega, dodijeljeno kolektivu u kome je uposlena i svim uposlenicima Službe na čijem je čelu, a potvrda timskog rada je i činjenica da je Amar Kondžić, nagrađeni medicinski tehničar, dio tog tima.



Pored toga što je od strane pacijenata nedavno proglašena za najbolju doktricu u KBZ-u, dr. Alma Mekić-Abazović je krajem prošle godine izdala i knjigu pod nazivom "Onkologija sa njegom", i to uz veliku pomoć svojih saradnika mr. Hakije Bećulića, dr. Senada Derviševića, dr. Ibrahima Šišića, dr. Lejle Mujbegović i med. tehn. Mirze Oruča. Inače, ovo je prva štampana knjiga ove vrste na našem području, a prvenstveno je namijenjena studentima Zdravstvenog fakulteta Univerziteta u Zenici, kao i kliničarima radi potpunijeg uvida u preventivni, terapijski i palijativni pristup onkološkom bolesniku, sa namjerom da mu se omogući bolji kvalitet života.



ZAŠTITIMO NAŠU DJECU OD DUHANSKOG DIMA!

PASIVNO PUŠENJE

Svaka izloženost duhanskom dimu predstavlja pasivno pušenje. S obzirom da $\frac{3}{4}$ dima zapaljene cigarete ostaje i polako se širi prostorijom, a preostala $\frac{1}{4}$ sam pušač udahne i ponovo izdahne, on ne ugrožava samo svoje, nego i zdravlje svih onih koji borave u njegovoj okolini, iako ne puše. Ugrožava članove svoje porodice, prijatelje, kolege na poslu, te sve ostale u zatvorenim prostorima.

KO SU ŽRTVE PASIVNOG PUŠENJA?

Žrtve pasivnog pušenja su sve osobe koje borave u prostorima u kojima se aktivno konzumira duhan (puši), odnosno osobe koje su redovno izložene duhanskom dimu su i pasivni pušači koji imaju veliku mogućnost da obole od svih bolesti kao i sami pušači.

Djeca su najčešće žrtve pasivnog pušenja.

KAKO PASIVNO PUŠENJE UTIČE NA ZDRAVLJE?

Nepušači koji su pasivni pušači obolijevaju od pušačkih bolesti kao i sami pušači. Rizici povezani sa pasivnim pušenjem su dvostruko veći nego što se mislilo ranije. Pasivno pušenje je povezano sa oboljevanjem od:

- oboljenja srca i krvnih sudova (infarkt srca, angina pektoris),



- oboljenja dišnih organa (bronhitis, astma, rak pluća),
- rak dojke kod žena,
- smanjena plodnost muškaraca i žena
- povećan broj spontanih pobačaja
- rizik od nastanka šećerne bolesti

Poseban problem predstavlja nametanje obrasca ponašanja i obrasca vrijednosti. Naišme, roditelji pušači daju primjer ponašanja svojoj djeci, pa djece pušača znatno češće i sami postaju pušači.

KAKO PASIVNO PUŠENJE UTIČE NA ZDRAVLJE DJECE?

Djeca nisu u mogućnosti da sama biraju život u sre-

dini bez duhanskog dima, jer su roditelji ti koji ih najčešće izlažu ovom riziku. Dokazano je da djeca roditelja koji puše imaju u krvi do 50 puta viši nivo opasne supstance koja oštećuje krvne sudove i srce. Ono može češće osjećati poteshkoće, glavobolju, kašalj, mučninu, iritaciju očiju, poremećaj koncentracije i učenja, veću opasnost od pojave astme i bronhitisa u dječjoj dobi, te raka pluća u budućnosti.

KAKO SE ZAŠTITITI OD PASIVNOG PUŠENJA?

Smanjite vrijeme boravka u prostorima u kojima se puši. Podržite zabranu pušenja na javnim mjestima (škole, čekaonice, bolnice, sredstva javnog prevoza, itd.). Utičite na pušače u porodici da ne puše kod kuće i u prisustvu djece.

Vi imate pravo da udišete zrak bez duhanskog dima. Ako ste pušač, ne trujte svoju djecu i ne pušite u prostoriji u kojoj ona borave.

DJЕЦА ИМАЈУ ПРАВО DA ODRASTAJU ZDRAVO. ZAR VAM JE CIGARETA VAŽNIJA OD ZDRAVLJA VAŠEG DJETETA?!

ZAVOD ZDRAVSTVENOG OSIGURANJA ZENIČKO - DOBOJSKOG KANTONA

Značajne uštede u prošloj godini

Pored toga što su sredinom prošle godine objavili da je deficit Zavoda zdravstvenog osiguranja Zeničko-dobojskog kantona smanjen za više od četiri miliona, iz ove ustanove su nedavno stigle i nove pozitivne vijesti o uštedama. Naime, prema riječima direktora Zavoda, Senaida Begića, nivacijom cijena sa proširene esencijalne liste lijekova, koja je inače imala 675 zaštićenih naziva, oblika i jačina, Fondu zdravstvenog osiguranja Zeničko-dobojskog kantona uštedeno je u protekloj godini oko 400.000 KM. Osim toga, proširivanjem esencijalne liste lijekova te uvođenjem lijekova koji do sada nisu bili na listi, pacijentima su pružene znatno bolje mogućnosti. „Esencijalna lista je koštala naš fond oko 23 miliona maraka, dok smo za lijekove sa bolničkih lista lijekova, tzv. amputarne lijekove, platili oko sedam miliona KM, tako da smo za lijeko-



ve platili iznos od preko 30 miliona maraka, dodaje direktor Begić. Osim ovih veoma prijatnih vijesti, svakako treba istaći i da je u cilju osiguravanja boljih usluga i kvalitetnijeg liječenja pacijenata, kao i dugoročnijeg planiranja ušteda, Zavod zdravstvenog osiguranja ZDK u prošloj godini nastavio s pružanjem medicinsko-tehničke podrške Kantonalnoj bolnici u Zenici. Naime, osposobljavanjem



određenih bolničkih službi ubuduće će se vrlo složeni operativni zahvati moći raditi u KBZ-u, jer su odjeli za abdominalnu hirurgiju i vaskularnu hirurgiju osposobljeni za nove medicinske tehnike. „Podsjećamo vas da je liječenje pacijenata iz ZDK na medicinskim ustanovama u Sarajevu, Tuzli ili nekim drugim kliničkim centrima do sada odnosilo milionska sredstva iz Zavoda zdravstvenog osiguranja ZDK“, naglašava direktor Begić te dodaje da ovo ne znači da se pacijenti sa područja ZDK

i dalje neće moći liječiti u drugim ustanovama, naravno prema potrebama. Tako će, kao i u prošloj godini, stanovnici općine Olov imati mogućnost liječenja u Kliničkom centru u Sarajevu pa zbog sekundarne i tercijarne zdravstvene zaštite neće morati putovati oko 120 km do Zenice. Naime, Zavod zdravstvenog osiguranja ZDK je ponovo planirao potpisivanje ugovora za ove usluge građanima Olove, a protekle godine je za tu namjenu već plaćeno oko 1,5 miliona KM.

NAKON ČETVEROGODIŠnjEG TESTIRANJA Elektronski dnevnići u školama

Nakon četverogodišnjeg testiranja u Srednjoj muzičkoj školi u Zenici, projekat SŠIP (Savremeni Školski Internet Portal) će se od februara 2014. godine implementirati i u Prvoj gimnaziji Zenica te u Osnovnoj školi Safvet-beg Bešagić u Sarajevu. Tokom navedenog perioda u eDnevnik, osnovnu komponentu ovog projekta upisano je preko 50.000 ocjena, 30.000 registrovanih časova te ostalih podataka o nastavi. „Prepoznali smo dosadašnje ostvarene rezultate i kvalitet ponuđene aplikacije te smo spremni prihvati ovaj projekat kako bi aktivno zaživio i u našoj školi. Prvenst-

veno smo se odlučili za implementaciju SŠIP-a kako bi se komunikacija sa roditeljima podigla na još bolji nivo. Nadam se da će se ovaj projekat u skorijem vremenu proširiti i na ostale škole u BiH“, istakla je Lejla Dizdarević, direktorka Osnovne škole Safvet-beg Bašagić u Sarajevu. Također, od februara 2014. u Srednjoj muzičkoj školi Zenica će se koristiti i šest tablet uređaja, i to u okviru pilot projekta za potrebe testiranja eDnevnik mobilne aplikacije. Ovo je inače prvi put da se u BiH koriste tableti za pristup elektronskim dnevnicima u školama.





AGENCIJA ZA EKONOMSKI RAZVOJ ZENICA



LIND

laboratorijska za ispitivanje
namještaja i drveta

Agencija za ekonomski razvoj Zenica ZEDA d.o.o.

Agencija ZEDA je razvojna institucija čiji zadatak je da kreira razvojne prioritete općine Zenica i da stvara partnerstva za implementaciju razvojnih projekata, da ih priprema, realizuje i da koordinira njihovu realizaciju.

RAZVOJNE FUNKCIJE

- ◆ Upravljanje poduzetničkom infrastrukturom
- ◆ Promocija poduzetništva i razvoj poslovnog okruženja u općini Zenica i šire
- ◆ Podrška malim i srednjim preduzećima kroz povećanje njihove konkurentnosti
- ◆ Razvoj tržišta poslovnih usluga i podrška poduzetnicima

MISIJA

Stvarati uslove za razvoj dinamične, savremene i raznovrsne privrede u općini Zenica kroz razvoj poduzetništva, malih i srednjih preduzeća objedinjavanjem i usmjeravanjem materijalnih, ljudskih i finansijskih resursa, uvažavajući principre rodne ravnopravnosti i zaštite životne okoline

PODRUČJA DJELOVANJA

- ◆ Privreda (ekonomski razvoj)
- ◆ Razvoj ljudskih resursa
- ◆ Razvoj, promocija i unapređenje poduzetništva
- ◆ Upravljanje objektima poduzetničke infrastrukture: poslovni inkubator, tehnološki park, razvojni centri za: kvalitet, inovatorstvo, nove proizvode i nove tehnologije
- ◆ Promocija domaćih i stranih ulaganja u privredu
- ◆ Ruralni razvoj
- ◆ Turizam i njegovanje tradicijsko – historijskog naslijeđa
- ◆ Izgradnja pozitivnog imidža Zenice
- ◆ Ekologija (održivi razvoj, energetska/energijska efikasnost)



Project </MENTOR>



This project is funded by the
European Union

LIND - laboratorijska za ispitivanje namještaja i drveta

O LABORATORIJU

Laboratorijska LIND nastala je kao rezultat Projecta MENTOR, finansiranog grant sredstvima Evropske Unije. Sufinansirani projekti su bili: Općina Zenica, na razvojna agencija REZ, Ministarstvo pravosuđa i policijske politike, Županija Hercegovačko - Dobojskog kantona i Federalno ministarstvo za razvoj, poduzetništva i obrtu. Laboratorijska LIND, koja djeluje u okviru Agencije za ekonomski razvoj Zenica, bavi se ispitivanjem namještaja u skladu sa Europskim standardima koji vrijede za namještaj, a koje je Institut za standardizaciju BiH (BAS) preuzeo od evropskih standarda.

Područja koja obuhvaća akreditacija (skup akreditiranih standarda):

- ◆ BAS EN 527-1:2011 - Kancelarijski namještaj - Stolice
- ◆ BAS EN 527-2:2005 - Kancelarijski namještaj - Štedjala
- ◆ BAS EN 527-3:2009 - Kancelarijski namještaj - Stabilnosti imehaničke čvrstoće konstrukcije
- ◆ BAS EN 12520:2011 - Namještaj - Čvrstoća, tražljivosti i sigurnost
- ◆ BAS EN 1022:2009 - Kućni namještaj - Sjedala
- ◆ BAS EN 1728:2005 - Kućni namještaj - Stolice
- ◆ BAS EN 12521:2010 - Namještaj - Čvrstoća, tražljivosti i sigurnost
- ◆ BAS EN 1730:2009 - Kućni namještaj - Stolovi





LIND

itivanje namještaja i drveta

Institut za akreditiranje BiH - BATA je, u oktobru 2013. godine, izdao CERTIFIKAT O AKREDITACIJI, kojim je potvrđeno da Laboratorija LIND ispunjava zahtjeve standarda BAS EN ISO/IEC 17025:2006 u pogledu osposobljenosti za izvođenje mehaničkih ispitivanja namještaja. (www.bata.gov.ba – Spisak akreditiranih tijela)

U laboratoriji LIND moguća su ispitivanja namještaja:

- ◆ Ispitivanje stolica
- ◆ Ispitivanje stolova
- ◆ Ispitivanje komoda
- ◆ Ispitivanje šarki i izvlačnih elemenata.

(akreditacije) su mehanička ispitivanja namještaja prema slijedećim

Radni stolovi i pultovi - Dio 1: Dimenzije

Radni stolovi i pultovi - Dio 2: Mehanički sigurnosni zahtjevi

Radni stolovi i pultovi - Dio 3: Metode ispitivanja za određivanje

trajnosti i sigurnost – Zahtjevi za namještaj za sjedenje za kućnu upotrebu.

- Određivanje stabilnosti
- Metode ispitivanja za određivanje čvrstoće i trajnosti
- trajnost i sigurnost – Zahtjevi za stolove u domaćinstvu
- Metode ispitivanja za određivanje čvrstoće, trajnosti i stabilnosti


ISPITIVANJA NAMJEŠTAJA

Laboratorija LIND je prva i trenutno jedina akreditovana laboratorija ovog tipa i namjene u Bosni i Hercegovini.

Osoblje laboratorije prošlo je neophodnu obuku i stručno usavršavanje u eminentnim evropskim laboratorijama u Italiji i Hrvatskoj.

Ispunjavanjem zahtjeva standarda 17025 kao i standarda iz područja akreditacije, sva ispitivanja provedena od strane LIND-a imaju validnost u svim evropskim zemljama, i šire u državama koje prihvataju EU norme.

Nakon provedenog ispitivanja, izdajemo, u skladu sa EU normama, izvještaj o ispitivanju kojim proizvođač dokazuje da njegov proizvod zadovoljava određene EU norme u pogledu trajnosti, izdržljivosti i stabilnosti.



Agencija za ekonomski razvoj Zenica ZEDA d.o.o.

Školska 4, Zenica 72000

Telefon: 032/449-410, Fax: 032/449-415

Email: info@zeda.ba



LIND - Laboratorija za ispitivanje namještaja i drveta

Zmaja od Bosne b.b. (zgrada TechnoParka), Zenica 72000

Telefon: 032/445-631, Fax: 032/445-831

www.zeda.ba

NOVI SINGL GRUPE „NEMOGUĆE VRUĆE“ „Voliš li me još“



„Voliš li me još“, naziv je novog, trećeg po redu, singla zeničkog pop-rock benda „Nemoguće vruće“, koji je nedavno promovisan u Cabaret klubu BNP Zenica. Inače, prva dva singla nakon reaktivacije benda izdata su prije godinu dana, a radi se o pjesmama „Samo putuj...“ i „Od proljeća do proljeća“. Bend je u prisustvu mnogobrojnih gostiju i prijatelja održao koncert u prostoru koji vodi Nandino Škrbić, čija je fotografija kao dječa-

ka bila na omotu ploče „Ljubavi mladog Werthera“. „Promocija je prošla kako smo samo mogli poželjeti. Došlo je puno naših prijatelja, kolega, predstavnika medija, ljudi koji nas uvijek podržavaju. Održali smo i jedan mini koncert u sklopu kojeg je održana i promocija novog singla „Voliš li me još“. To je po prvim reakcijama ljudi, jedna izuzetno lijepa balada koja ostaje u uhu slušaoca“, kaže Miro Kovačević, frontmen grupe.

DUČAN ZDRAVE HRANE

grozdica

Ulica Maršala Tita 55

U Zenici je otvoren novi dučan zdrave hrane u kojem se mogu nabaviti raznovrsni začini, čajevi, ulja, orašasti plodovi i sjemenke. Također u asortimanu se nalaze zanimljive delicije kao što su bademi i lješnaci u cimetu i čokoladi, te neodoljive čokoladne groždice po kojima je ovaj dučan u centru Zenice dobio ime.

Radno vrijeme: svaki dan od 09-22 sata, Nedjeljom: 09-15 sati.
Telefon: +387 61 414 108, **email:** grozdica@hotmail.com

KAMERNI SIMFONIJSKI ORKESTAR I KAMERNI MJEŠOVITI HOR ZENICA

Održali tradicionalni novogodišnji koncert

Kamerni simfonijski orkestar i kamerni mješoviti hor iz Zenice održali su u BNP Zenica tradicionalni 25. novogodišnji koncert. Kao dirigenti su nastupili Tanisa Mustafić, Nenad Tešić i Amna Husejnagić, a kao vokalni i instrumentalni solisti Maida Ibrahimagić – klavir, Amer Šehić – harmonika, Sanja Tavić – violina, Larisa Buro – mezzosopran, Monika Akrapović – sopran i Dženise Mrkonjić – kontrabas. Takođe su se predstavili Hor srednje i

osnovne muzičke škole Zenica. Novogodišnji koncert je jedan od najznačajnijih muzičkih događaja i prvi u obilježavanju jubileja 25 godina rada Kamernog simfonijskog orkestra Zenica i 20 godina Kamernog mješovitog hora. Prema riječima direktora orkestra, Ahme Muhamremovića, sve je to postignuto oslanjajući se na sopstveni kadar, angažujući veoma mali broj muzičara za ispomoć, isključivo na onim instrumentima koji im inače nedostaju.



POVODOM 60 GODINA OPĆE BIBLIOTEKE U ZENICI Legat Radovana Marušića



Otvaranjem Legata Radovana Marušića, u prostoru Centralnog odjeljenja Biblioteke, započelo je obilježavanje 60. godišnjice rada Opće biblioteke u Zenici. Jedna od osoba koja je obilježila kulturnu scenu u Zenici dobila je svoj kutak u Općoj biblioteci. „Legat Radovana Marušića je drugi zvanični legat koji otvaramo u pro-

storu Opće biblioteke, a njegov sadržaj su knjige koje je napisao Marušić, dio njegove lične ostavštine i knjige koje je dobijao na poklon“, kazao je Midhat Kasap, direktor Opće biblioteke u Zenici, dodavši da se tu također nalaze i neke stvari koje su bile Marušićev hobi, slike na kojima je on, slike na kojima je radio...

DOM KULTURE KAKANJ Škola glume za učenike

Javna ustanova za kulturu i obrazovanje Kakanj, u saradnji sa Bosanskim narodnim pozorištem Zenica, organizira peti ciklus Škole glume za učenike osnovnih i srednjih škola. Primjereno njihovo dobi i iskustvu polaznici će savladavati gradivo koje sadrži opće odgojno-obrazovne zadatke, kao i zadatke vezane uz dramsko stvaralaštvo, kroz četiri predmeta: Gluma, Scenski pokret, Glas i Lutkarstvo. Svoje znanje i talent polaznici će imati priliku iskazati



kroz javne nastupe i predstave, a Školu će voditi akademski dramski umjetnik Miroslav Mijatović, rukovodilac Omladinske i dječije scene u BNP Zenica, sa svojim saradnicima. Nastava se odvija u trajanju od četiri mjeseca, a svi zainteresovani mogu se prijaviti direktno u prostorijama kakansko Doma kulture.

AYSUN IPL-tretmani

Intenzivna pulsirajuća svjetlost je tehnika dugotrajnog depiliranja koja se izvodi pomoću korištenja svjetla i zasniva na principu selektivne fototerapije koja omogućava uništenje folikule dlake bez oštećenja kože. Princip je da se područje sa neželjenim dlačicama izloži nizu vrlo kratkih impulsa koncentrisane svjetlosti. Prema tome, svjetlost primijenjena na kožu pretvara se u toplotu i selektivno uništava klice ćelija korijena dlačice, što znači da melanin koji je prisutan u dlakama upija svjetlost i prenosi je na korijen dlačice, gdje pretvorena u toplotu, uništava klice ćelije koje hrane dlačice. Eliminisanjem ovih ćelija, dlačice odumiru i opadaju.

Podmlađivanje kože lica i vrata

Fotopodmlađivanje kože se radi po principu primjene impulsa intenzivne svjetlosti koja prodire u kožu, bez oštećivanja površinskog sloja. Putem svjetlosti prenosi se toplota na kožu, što dovodi do stvaranja novih kolagenih vlakana i elastina koji obnavljaju mikro mrežu koju čine dermis i epidermis, reorganizirajući ih i postižući efekat punjenja putem zadebljanja kože i unutrašnjeg preuređenja.

Liječenje akni sa IPL tehnikom

IPL ima antibakterijsko djelovanje i regenerativno djelovanje. IPL tehnikom, također, raspolaže još jednom prednosti, jer posjepuje pigmentaciju kože te pomaže u saniranju ožiljka koje su teški oblici akni ostavile na našem licu. Prednosti tretmana akni IPL tehnikom su: jednostavnost, bezbolnost i bezbjednost tretmana, a rezultati su vidljivi već nakon nekoliko tretmana.

PROMOTIVNE CIJENE JEDNOG IPL TRETMANA

20 KM/ po zoni (regularna cijena 40 KM)
(u jednu zonu spadaju npr. Obje noge do koljena, itd.)

Frizersko-kozmetički salon
aysun

KUPON
Donosioč ovog kupona plaća
jedan IPL tretman samo **5 KM**

*Kupon se može iskoristiti do 28. 02. 2014.

AMERIČKI KUTAK ZENICA Obilježili 10 godina postojanja



Američki kutak Zenica protekle sedmice je obilježio svoj deseti rođendan. Tim povodom je u Općoj biblioteci Zenica održana svečanost, na kojoj su se gostima obratili otpravnik poslova Ambasade Sjedinjenih Američkih Država u Bosni i Hercegovini Nicholas Hill, direktor zeničke biblioteke Midhat Kasap

i direktor Američkog kutka Sead Pašić. Sa radom najstarije Američkog kutka u državi (poslije zeničkog otvoreno još devet u BiH) prisutni su se mogli upoznati kroz izložbu fotografa Mirze Subašića. U muzičkom dijelu programa učestvovali su profesorica Vanesa Đukić i bend AC Assembler.

Frizersko-kozmetički salon

aysun

**NE PROPUSTITE
NAŠE AKTUELNE POPUSTE
OD 15.01. DO 31.01.2014.**

061/769-308;
063/292-094

M.Tarabara bb-AKSA II sprat-Zenica
Trg heroja 31, Hrasno, Sarajevo

Frizerske usluge:

FARBANJE + ŠIŠANJE + FENIRANJE od 22 KM

PRAMENOVI ILI OMBRE + ŠIŠANJE + FENIRANJE od 27 KM

MULTICOLOR (VIŠEBOJNI) PRAMENOVI + ŠIŠANJE + FENIRANJE od 32 KM

Kozmetičke usluge:

Tretman lica prema tipu kože – 25 KM

IPL – 20 KM po zoni

Relax masaža tijela – 30 min. – 10 KM

Carska masaža – 30 min. – 15 KM

ORGANIZUJEMO SLJEDEĆE KURSEVE:

Kozmetičar – 450 KM

Frizer (početni) – 450 KM

Frizer (napredni) – 450 KM

Nadogradnja noktiju – 450 KM

Pediker – 350 KM

Permanentni make up – 450 KM

TERMINI NA 061 769 308

Posjetite nas na www.facebook.com/frizerskozmetickisalonaysun
i svakodnevno pratite naše aktuelne ponude.

U OKVIRU PRVENSTVA BIH ZA KOŠARKAŠICE Čelik savladao Brčanku

Košarkašice Čelika su u okviru 10. kola prvenstva BiH u zeničkoj Areni sa 72:46 savladali ekipu Brčanke iz Brčkog. Iako krajnji rezultat to ne odražava, gošće su se predstavile u dobrom svjetlu te su Zeničanke morale uložiti dosta navora kako bi slavile. Nakon tri i po minute igre povrijedila se playmaker Čelika Zvjezdana Gagić, ali se vjerovatno ne radi o težoj povredi (skočni zgrob) te bi ona trebala biti spremna za naredne mečeve u domaćem prvenstvu u Regionalnoj ligi. Slobodan Kecman, trener Čelika,

zahvalio se navijačima kluba koji su došli i dali podršku te je istakao da će se ekipa sada pokušati što bolje odmoriti i regenerisati za nastavak sezone. Domaći sastav su inače predvodile Kalušić sa 18, Džinić sa 15, Iriškić sa 13 i Irma Rahmanović sa 12 poena.



8. KOLO MŽRKL



BUDIMO ZAJEDNO PONOS GRADA ZENICE!

ARENA ZENICA

Četvrtak 30. 1. 2014. u 18h, ULAZ SLOBODAN


**KŽK
ČELIK
Zenica**



**ŽKK
RADIVOJ
KORAĆ
Beograd**

IGRAČKE PROMJENE U NK „ČELIK“ Otišli Horić i Stajić

Kenan Horić, dosadašnji kapiten Nogometnog kluba „Čelik“ karijeru će nastaviti u NK „Domžale“ koji se trenutno takmiči u najjačoj slovenačkoj ligi. Naime, ovaj 23-godišnjak je ugovor sa Domžalama potpisao na dvije i po godine, a kako je i predviđeno, Čeliku će pripasti određeno obeštećenje. Osim njega, „crveno-crni“ dres u nastavku sezone neće nositi ni iskusni Duško Stajić, sa kojim je uprava kluba nedavno postigla sporazumno raskid ugovora, dok i sa Markom Nestorovićem još nije postignut konačan dogovor o njegovoj budućnosti u



Čeliku. S druge strane, u klub još nije stiglo nijedno novo ime, dok još treba istaći da će Čelik svoju prvu provjeru pred nastavak sezone imati 3. bebruara, kada će na Kamberovića polju odmjeriti snađe sa banovičkom Budućnosti.

NASTAVLJENO TAKMIČENJE U A-1 LIGI BiH Tjesna pobjeda košarkaša Čelika nad Play off-om

Košarkaši Čelika u prvoj ovogodišnjoj utakmici, u okviru 10. kola A-1 lige KS BiH, pred oko 300 gledalaca u zeničkoj Areni su sa 64:62 (39:34) pobijedili ekipu Play off iz Sarajeva. Pobjedu Zeničanima za ostanak na čelu tabele sa omjerom 9:1, pet sekundi prije kraja utakmice donio je najbolji igrač domaćih Dino Hodžić, i to sa linije slobodnih bacanja. Za ekipu trenera Nedžada Hodžića debitovao je i Armin



Avdibegović, nekadašnji reprezentativni bek, koji je pritom postigao i 17 poena, jedan manje od Dine Hodžića.

“SPORTZDK VOLLEYBALL OPEN”



Igman u finalu bolji od Breze

Ženski odbojkaški klub „Igman“ sa Ilidže pobjednik je prvog „Sportzdk Volleyball Open-a“, koji je održan nedavno u sali „Prve gimnazije“ u Zenici, i to u orga-

nizaciji Udruženja „Sport Media“, odnosno Prvog portala o sportu i rekreaciji u ZDK www.sportzdk.ba. Ekipa sa Ilidže u finalu je inače sa 2:0 savladala OK „Breza

1934“, dok je treće mjesto prišlo ŽOK „Kakanj. Prema ocjeni žirija epitet najbolje igračice turnira ponijela je Amna Dokara, tehničarka ŽOK „Igman“, a

još treba istaći da je ovaj turnir, po ocjenama učesnika i brojnih gostiju, bio izvanredno organizovan i izuzetno posjećen od strane ljubitelja odbojke.

RUKOMETNI KLUB "ČELIK" Dvije pobjede nad Vitezom

Rukometari Čelika su u sklopu priprema za drugi dio sezone nedavno odigrali dva prijateljska meča sa ekipom Viteza, koja inače nastupa u nižem rangu te su bez većih problema slavili pobjede od 49:23 (u Vitezu) i 42:26 (u Zenici). „Iako smo pobijedili u oba meča sa Vitezom, mora se tu još mnogo toga uraditi da bi za utakmicu u Sarajevu protiv odlične Bosne u prvom prvenstvenom kolu naša ekipa bila potpuno spremna. Nekim igračima kao što su Ekinović i Dudić dajem maksimalnu minutažu, da vidim koliko stvarno mogu, a najveći problem u ovom trenutku su nam povrede Davora Kadića i Mirze Dervenčića“, kaže trener Čelika Zdenko Antović.

MEĐUNARODNI TURNIR PRIJATELJSTVA ZENICA 2014 Mladi pokazali zavidno rukometno znanje

Slovenačka Metlika u kategoriji juniora, Izviđač iz Ljubuškog u kategoriji kadeta te hrvatski Umag u kategoriji pionira, pobjednici su 4. Međunarodnog rukometnog turnira prijateljstva Zenica 2014, koji je nedavno u organizaciji Škole rukometa „Čelik Junior“ iz Zenice održan u gradskoj Areni. Na ovom turniru se takmičilo 14 ekipa iz Slovenije, Hrvatske, Crne Gore i Bosne i Hercegovine, uz učešće više od 600 mladih rukometara. Odigrano je oko stotinu utakmica u dva dana, a specijalni gosti su bili Enid Tahirović, proslavljeni bh. rukometar i neka-



dašnji reprezentativac BiH, Petar Metličić, bivši reprezentativac Hrvatske te Dalibor Anušić, koji je svojevremeno bio reprezentativac BiH i Hrvatske. „Prema ocjeni svih učesnika turnir je bio veoma uspješan, a i mi sami nismo očekivali da će sve biti na ovakovom nivou. Inače, naša želja je bila da još jednom pokaže-
mo da rukomet u BiH ima perspektivu i da mu se na svaki način treba dati podrška kako bi u doglednom periodu dostigao nivo kakav je trenutno u Hrvatskoj i Sloveniji“, kazao nam je Vlado Zeljko, prvi čovjek ŠR „Čelik junior“.

Akciona ponuda izrade digitalnih fotografija

-50%

0,20 KM format 10x15
svake nedjelje

Nikon
L27
SET KIT

16MP / 5X ZOOM / HD MOVIE
+ POKLON SD 4GB +TORBICA

175,00 KM

Najveći izbor digitalnih
fotoaparata i opreme

FOTO ZUNIC

TC Džananović

72000 Zenica

Tel: 032 / 24 61 80

Email: zuniczenica@bih.net.ba

www.fotozunic.com

LIJEPА GESTА NAVIJAČА ČELIKА



“Robijaši” igrali za Muhameda

Udruženje "Robijaši 1988" bilo je organizator humanitarne nogometne utakmice između veterana NK "Čelik" i predstavnika navijačke skupine "Robijaši", koja je odigrana u sportskoj dvorani Bilimišće u Zenici. Prikupljeni novac od ulaznica i dobrovoljnih priloga (prikupljeno je 1.858 KM) ići će za liječenje 14-godišnjeg Zeničanina Muhammeda Fejzića, kojem je potrebna pomoć kako bi obavio kliničke pretrage u Turskoj. Iz Udruženja "Robijaši 1988", su istakli da su zadovoljni odzivom Zeničana na prvu fazu humanitarne akcije "Svi za Muhameda". "Mnogi su kupili ulaznicu, ali zbog privatnih razloga nisu prisustvovali utakmici. Pojedini veterani NK "Čelik" pred sami početak utakmice su kupili i po desetaka ulaznica koje su dijelili, a ulazi su također platili i svi učesnici, službena lica, igrači i Robijaši", objasnili su iz Udruženja "Robijaši 1988".

“EUROFAN CUP” ZENICA

Prvo mjesto za navijače Manchester Uniteda



Ekipa navijača Manchester Uniteda pobjednik je Prvog "EuroFan Cup-a" Zenica u malom nogometu, koji je održan početkom ove godine u zeničkoj Areni, a u organizaciji Lokalnog omladinskog vijeća (LOV) Regije Zenica i Udrženja "Liga navijača europskih klubova". U finalnom meču Unitedovci su sa 8:2 pobjedili navijače FC Barcelo-

na. Osim ove dvije ekipe na "Euro-Fan Cup-u", koji je po mnogo čemu jedinstvena manifestacija ovakve vrste u BiH, učestvovali su navijači PSG-a, Milana, Real Madrida, Borussie Dortmund, Galatasaraya i Bayerna, koji je inače pobjednik Lige. U revijalnom susretu gledaoci su imali priliku vidjeti i duel bivših i sadašnjih nogometara NK "Čelik".

Sapienti sat



Poslovna zona Zenica 1 Tel 032 441 291 www.bpanel.ba



A crossword puzzle grid with numbered entries. The grid has 15 numbered rows and 15 numbered columns. Some squares are blacked out, while others contain numbers or letters. A portrait of a man is positioned in the upper right corner of the grid.

Vodoravno: 1. Mikroorganizam; 7. Izradivanje; 8. Djelatnost obrtnika, majstora; 9. Kemija; 11. Mjera za površinu; 12. Telefon, skr.; 13. Rijeka u Vojvodini; 15. Key Recovery Agent, skr.; 16. Najugledniji stari čovjek u selu, ar.; 23. Dirlnta, granuta; 25. Ostario, mator; 27. Podžanski rocka koji je nastao u 1960-ima; 28. Lavež psa; 29. Nerv, suština nečije naravi; 31. Duško Ivanović; 32. Mala riječica; 34. Osamljeno poljoprivredno imanje u Vojvodini; 36. Nota solmizacije; 37. Posoljena; 39. Završnica sportskog takmičenja; 41. Nadničar u jugoistočnoj Aziji; 43. Početni dio knjige, rasprave ili izlaganja; 44. Zažaren; 46. Kornatsko otoče u Hrvatskoj; 47. Albanska telegrafrska agencija.

Uspravno: 1. Ime i prezime ličnosti sa slike; 2. Imamović Zaim; 3. Hemski element simbola Cr; 4. Korisniti; 5. Odlučan u namjerama, postupcima, izjavama; 6. Pokvaren, neupotrebljiv, ar.; 10. Državna blagajna, lat.; 14. Korica za papire i spise; 17. Građevina posvećena nekom božanstvu; 18. Balkon; 19. Stanovnica Istre; 20. Uzročni veznik; 21. Negativna elektroda; 22. Pejorativ od rakija, rakijetina; 24. Red, stalež u starom Rimu; 26. Ono od čega je nešto napravljeno, tvoren; 30. Figura u umjetničkom klizanju; 33. Vrsta muškog glasa; 35. Velika neuzvraćena ljubav Frančeska Petrarke; 38. Sredozemni ribarski drveni čamac; 39. Međunarodna oznaka za japanski aerodrom Fukuoka; 40. Application Delivery Network, skr.; 42. Letenje; 45. Upišite: ŽI.

Rješenja iz prošlog broja: aparat, libada, i, adil, jakna, az, ifa, bokor, kub, respekt, okupator, re, maja, entre, p, aleja, ioc, roman, tabla, ob, tanano, j, musaka, glog, ito, inorog, sirotanović.

IMPRESSUM: Magazin Superinfo izdaje "SUPERINFO" d.o.o. Zenica, Štrosmajerova 11. (zgrada Izgradnje, II sprat), Tel. 032/463-232, www.superinfo.ba; superinfo@superinfo.ba; Reg.br.043-0-Reg-06-002101, Matični broj 1-9625; PDV broj: 21855243000; Direktor *Fedja Jovanović*, Tel. 061/788-088, 063/992-100; finansije *Zumretta Tušekić*, Tel. 063/992-102; tehnički urednik: *Selver Omerović*, Tel. 063/522-922; Tiraž izdanja: 20.000 primjeraka; Štampa: Unioninvestplastika d.d. Semirovac bb, Reg. br. 1-17984

U PROSTORIJAMA ZENIČKE ARENE

Predstavljeni karate selektori i reprezentacija BiH



U zeničkoj Areni su proteklog četvrtka predstavljeni svi selektori karate reprezentacija Bosne i Hercegovine te kadetska i juniorska reprezentacija naše zemlje koje učestvuju na Evropskom prvenstvu u Lisabonu od 5. do 10. februara. Organizator jučerašnjeg okupljanja bio je Karate savez BiH, a tehnički organizator KK "Internacional" Zenica. „Zenica je topao grad za sve, kako za fudbalsku reprezentaciju, tako i za nas. Mi smo u svojoj koncepciji priprema i organizaciji rada za odlazak na EP izabrali grad Zenicu gdje će se obaviti kruna svih tih priprema. Na smotri najboljih karatista Evrope

Novi selektori karate reprezentacija su Miroslav Klepić (seniorska muška), Denis Mušović (seniorska ženska), Arnel Kalušić (muška juniorska), Željko Topalović (ženska juniorska), Kenan Alikadić (muška kadetska), Željko Zombra (ženska kadetska), Bajro Durdžić (muška dječija reprezentacija u borbama), Boris Jelčić (ženska dječija reprezentacija u borbama), Nebojša Dević (muška dječija reprezentacija – kate) i Una Selma Zilić (ženska dječija reprezentacija – kate).



našu zemlju će predstavljati 26 takmičara, od čega je 23 prijavljeno za borbe, a troje za kate“, kazao je Samir Čatović, predsjednik karate saveza BiH. Nebojša Nikolić, predsjedavajući Općinskog vijeća Zenica je ovom prilikom istakao kako je ponosan da je još jedna reprezentacija našla „svoj dom u našem gradu“ te da se iskreno nuda da je ovo početak još jednog pobjedničkog tima.

NOGOMETNI KLUB "VITEZ" I na proljeće domaćini na Kamberovića polju

Nogometni klub "Vitez", koji je protekle jeseni uspješno debitovao u Premijer Ligi BiH, i u proljetnom dijelu prvenstva će svoje domaće utakmice igrati na stadionu Kamberovića polje u Zenici. Naime, rekonstrukcija Gradskog stadiona u Vitez, koji ne ispunjava uslove za odigravanje

premijerligaških utakmica, još traje, a dinamika radova u koje treba uložiti preko 400.000 KM, zavisi od priliva sredstava, od čega će najviše novca biti osigurano iz općinske kase. U klubu očekuju da bi radovi na Gradskom stadionu mogli biti završeni pred kraj prvenstva.

AUTOŠKOLA **SRETNO**

Sve na jednom mjestu

Instruktorica vožnje

Ljubazno ... stručno ... profesionalno

Fra Grge Martića 15, ZENICA
Radno vrijeme: 9-12 i 14-17

061 750 186



Novi automobili
Nova lokacija
10 godina iskustva

Nova autoškola
stara ekipa!



U FEBRUARU NOVE AKCIJE !!!
tradicija se nastavlja u paketu je povoljnije



Mi smo zadovoljne a Vi?

e-mail: zenica@nomasvello.ba adresa: M.S.Serdarevica 1.



telefon: 032 200 200

